

山海經圖讚

郭璞纂

璞字景純河東聞喜人晉宣城太守殷祐引為參軍又參王導軍事歷著作佐郎王敦起為記室參軍敦反璞遇害及敦平追贈宏農太守璞撰策驗六十餘事名為洞林又撰新林十篇卜韻一篇注釋爾雅別為音義圖譜又註三蒼方言穆天子傳山海經及楚辭子虛上林賦數十萬言詩賦誄頌亦數萬言

南山經圖讚

桂

桂生南裔拔萃岑嶺廣莫熙葩凌霜津穎氣王百藥森然雲挺

迷穀

爰有奇樹產自招搖厥華流光上映垂霄佩之不惑潛有靈標

狴狴

狴狴似猴走立行伏權木挺力少辛明目蜚廉迅足豈食斯肉

山海經圖讚

水玉

水玉沐浴潛映洞淵赤松是服靈蛻乘煙吐納六氣昇降九天

白猿

白猿肆巧繇基撫弓應眄而號神有先中數如循環其妙無窮

鹿蜀

鹿蜀之獸馬質虎文攘此吟鳴矯足騰羣佩其皮毛子孫如雲

鮭

魚號曰鮭處不在水厥狀如牛鳥翼蛇尾隨時隱見倚乎生死

類

類之為獸一體兼二近取諸身用不假器窈窕是佩不知妬忌

獬廌

獬廌似羊眼反在背視之則奇推之無怪若欲不恐厥皮可佩

祝茶草旋龜鵠魚

祝茶嘉草食之不饑鳥首蛇尾其名旋龜鵠六足三翅竝翬

灌灌鳥赤鱗

厥聲如訶厥形如鳩佩之辨惑出自青丘赤鱗之物魚身人頭

鵠鳥

彗星橫天鯨魚死浪鵠鳴於邑賢士見放厥理至微言之無況

猾裏

猾裏之獸見則興役膺政而出匪亂不適天下有道幽形匿跡

長右彘

長右四耳厥狀如猴實為水祥見則橫流彘虎其身厥尾如牛

會稽山

禹徂會稽爰朝羣臣不度是討乃戮長人玉璽表夏立石勒秦

山海經圖讚

二

患彘

有獸無口其名曰患害氣不入厥體無間至理之盡出乎自然

犀

犀頭如猪形兼牛質角則併三分身互出鼓鼻生風壯氣隘隘

兕

兕推壯獸似牛青黑力無不傾自焚以革皮充武備角助文德

象

象實魁梧體巨貌詭肉兼十牛目不踰豕望頭如尾動若巨徙

纂雕瞿如鳥虎蛟

纂雕有角聲若兒號瞿如三手厥狀似鵠魚身蛇尾是謂虎蛟

鳳

鳳皇靈鳥實冠羽羣入象其體五德其文羽翼來儀應我聖君

育隧谷

育隧之谷爰含凱風青陽既謝氣應祝融炎雰是扇以散鬱隆

鱒魚鰓鳥

鰓鳥栖林鱒魚處淵俱為旱徵災延普天測之無象厥數推立

白荇

白荇畢蘇其汁如飴食之辟穀味有餘滋逍遙忘勞 生盡期

西山經圖讚

臧羊

月氏之羊其類在野厥高六尺尾亦如馬何以審之事見爾雅

太華山

華嶽靈峻削成四方爰有神女是挹玉漿其誰遊之龍駕雲裳

肥遺蛇

山海經圖讚

三

肥遺為物與災合契鼓翼陽山以表亢厲桑林既禱倏忽潛逝

鳩渠赤鷲鳥文莖木鷓鴣

鳩渠已殃赤鷲辟火文莖愈聾是則嘉果鷓亦衛災厥形惟麼

流赭

沙則潛流亦有運赭于以求鐵趨在其下蠲牛之癘作采於社

豪氈

剛鬣之族號曰豪氈毛如攢錐中有激矢厥體兼資自為牝牡

黃薳草肥遺鳥鼯獸

浴疾之草厥子赭赤肥遺似鶉其肉已疫鼯獸長臂為物好擲

橐悲

有似人面一脚孤立性與時反冬出夏蟄帶其羽毛迅雷不入

桃枝

潘冢美竹厥號桃枝叢薄幽藹從容鬱猗簞以安寢杖以扶危

杜衡

狴狴犴人杜衡走馬理固須因體亦有假足駿在感安事御者

蓉容草谿邊獸櫟鳥

有華無實蓉容之樹谿邊類狗皮厥妖蠱黑文赤翁鳥愈隱痔

礪石

稟氣方殊舛錯理微礪石殺鼠蠶食而肥物性雖反齊之一歸

櫻如

櫻如之獸鹿狀四角馬足人手其尾則白貌兼三彰攀木緣石

鸚鵡

鸚鵡慧鳥青羽赤喙四指中分行則以觜自貽伊籠見幽坐趾

數斯鳥擊獸鷓鳥

山海經圖讚

四

數斯人脚厥狀似鷓擊獸大眼有鳥名鷓兩頭四足翔若合飛

鸞鳥

鸞翔女牀鳳出丹穴拊翼相和以應聖哲擊石靡詠韶音其絕

鳧溪鳥朱厭獸

鳧溪朱厭見則有兵類異感同理不虛行推之自然厥數難明

蠻蠻

比翼之鳥似鳧青赤雖云一形氣同體隔延頸離鳥翻飛合翮

丹木玉膏

丹木焯焯沸沸玉膏黃軒是服遂攀龍象眇然升遐 下鳥號

瑾瑜玉

鍾山之寶爰有玉華光彩流映氣如虹霞君子是佩象德閑邪

鍾山之子鼓欽鴉

欽鴉及鼓是殺祖江市乃戮之崑崙之東二子皆化矯翼亦同
鱈魚

見則邑穰厥名曰鱈經營二海矯翼閒霄唯味之奇見難伊庖

神英招

司帝百服其鳥名鶉沙棠之實惟果是珍爰有奇菜厥號曰蒼

神長乘

九德之氣是生長乘人狀豹尾其神則凝妙物自潛世無得稱

西王母

天帝之女蓬髮虎顏穆王執贄賦詩交歡韻外之事難以具言

積石

積石之中實生重河夏后是導石門湧波珍物斯備比奇崑阿

白帝少昊

山海經圖讚

五

少昊之帝號曰金天碓氏之宮亦在此山是司日入其景則圓

淨

章峩之山奇怪所宅有獸似豹厥色惟赤五尾一角鳴如擊石

畢方

畢方赤文離精是炳旱則高翔鼓翼陽景集乃流災火不炎正

文貝

先民有作龜貝爲貨貴以文彩賈以小大簡則易資犯而不過

天狗

乾麻不長天狗不大厥質雖小禳災除害氣之相王在乎食帶

三青鳥

山名三危青鳥所憇往來崑崙王母是隸穆王西征旋軫斯地

江疑獫狁獸鸚鳥

江疑所居風雲是潛獸有獾狍毛如披蓑鷄鳥一頭厥身則兼
神耆童

顓頊之子嗣作火正鏗鏘其鳴聲如鐘磬處於颯山唯靈之盛
帝江

質則混沌神則旁通自然靈照聽不以聰強為之名曰惟帝江
謹獸鵠鵠鳥

鵠鵠三頭謹獸三尾俱禦不祥消凶辟昧君子服之不逢不臧
當扈

鳥飛以翼當扈則鬚廢多任少沛然有餘輪運於轂至用在無
白狼

矯矯白狼有道則遊應符變質乃銜靈鉤惟德是適出殷見周
白虎

魃魃之虎仁而有猛其質載皓其文載炳應德而擾止我交境
駮

駮惟馬類實畜之英騰髦驥首噓天雷鳴氣無不凌吞虎辟兵
神媿蠻蠻冉遺魚

其音如吟一脚人面鼠身鼈頭厥號曰蠻目如馬耳食厭妖變
榱木

榱之為木厥形似榱若能長服拔樹排山力則有之壽則宜然
鳥鼠同穴山

鷓鴣二蟲殊類同歸聚不以方或走或飛不然之然難以理推
鰲魼魚

形如覆鉢包玉含珠有而不積泄以尾閭聞與道會可謂奇魚
丹木

爰有丹木生彼滄盤厥實如瓜其味甘酸蠲痼辟火用奇桂蘭

窮奇獸羸魚孰湖獸

窮奇如牛蝟毛自表濛水之羸匪魚伊鳥孰湖之獸見人則抱

鱗魚

物以感應亦不數動壯士挺劍氣激白虹鱗魚潛淵出則色悚

北山經圖讚

水馬

馬實龍精爰出水類渥洼之駿是靈是瑞昔在夏后亦有何駟

鯨魚

涸和損平莫慘於憂詩詠萱草帶山則鯨壑焉遺岱聊以盤遊

臙疏獸鵠鷄鳥何羅魚

厭火之獸厥名臙疏有鳥自化號曰鵠鷄一頭十身何羅之魚

山海經圖讚

七

孟槐

孟槐似狃其豪則赤列象畏獸凶邪是辟氣之相勝莫見其迹

鰓鰓魚

鼓翮一揮十翼翩翩厥鳴如鵠鱗在羽端是謂怪魚食之辟燔

橐駝

駝惟奇畜肉鞍是被迭鶩流沙顯功絕地潛識泉源微乎其智

耳鼠

蹠實以足排虛以羽翹尾翻飛奇哉耳鼠厥皮惟良百毒是禦

幽類

幽類似猴俾愚作智觸物則笑見人佯睡好用小慧終是嬰繫

寓鳥孟極足訾獸

鼠而傅翼厥聲如羊孟極似豹或倚無良見人則呼號曰足訾

鳩鳥

毛如雌雉朋翔羣下飛則籠日集則蔽野肉驗鍼石不勞補寫
諸捷獸白鳩竦斯鳥

諸捷善吒行則銜尾白鳩竦斯厥狀如雉見人則跳頭文如繡
磁石

磁石吸鐵璚瑁取芥氣有潛感數亦冥會物之相投出乎意外
璚瑁一作琥珀

旄牛

牛充兵機兼之者旄冠于旌鼓為軍之標匪肉致災亦毛之招
長蛇

長蛇百尋厥鬣如彘飛羣走類靡不吞噬極物之惡盡毒之厲
山獬

山海經圖贊

八

山獬之獸見人歡謔厥性善投行如矢激是惟氣精出則風作
謹一作唬

突窳諸懷獸鱓魚肥遺蛇

突窳諸懷是則害人鱓之為狀羊鱗黑文肥遺之蛇一頭兩身
鯨魚

陽鑿動日土蛇致宵微哉鯨魚食則不驕物在所感其用無禱
狍鴟

狍鴟貪林其目在腋食人未盡還自齧割圖形妙鼎是謂不若
狍閭驛馬獨裕

有獸如豹厥文惟縹閭善躍嶮驛馬一角虎狀馬尾號曰獨裕
鸞鷟

禦暘之鳥厥名鸞鷟昏明是互晝隱夜覲物貴應用安事鸞鷟

居暨獸焉鳥三桑

居暨豚鳴如彙赤毛四翼一目其名曰囂三桑無枝厥樹唯高

驪獸

驪獸四角馬尾有距涉厯歸山騰嶮躍岨厥貌惟奇如是旋舞

天馬

龍馮雲遊騰蛇假霧未若天馬自然凌翥有理懸運天機潛御

鷓鴣

鷓鴣如鳥青身黃足食之不饑可以辟穀內厥唯珍配彼丹木

飛鼠

或以尾翔或以鼻凌飛鼠鼓翰翮然皆騰用無常所惟神是馮

鵲鵲象蛇鮎父魚

有鳥善驚名曰鵲鵲象蛇似雉自生子孫鮎父魚首厥體如豚

山海經圖讚

九

酸與

景山有鳥稟形殊類厥狀如蛇脚二翼四見則邑恐食之不醉

鳩鵲黃鳥

鳩鵲之鳥食之不醮爰有黃鳥其鳴自叫婦人是服矯情易操

精衛

炎帝之女化為精衛沈形東海靈爽西邁乃銜木石以填波害

辣辣熊九獸大蛇

辣辣似羊眼在耳後竅生尾上號曰羆九幽都之山大蛇牛响

東山經圖讚

鱖鱖魚從從獸蜚鼠

魚號鱖鱖如牛虎駁從從之狀似狗六脚蜚鼠如雞見則旱涸

倮虺

條螭蛇狀振翼灑光憑波騰逝出入江湘見則歲旱是維火祥

狗狗

蚌則含珠獸胡不可狗狗如豚被褐懷禍患難無繇招之自我

堪孖魚輪輪獸

堪孖輪輪殊氣同占見則洪水天下昏墊豈伊妄降亦應牒議

珠蟹魚

澧水之鮮形如浮肺體兼三才以貨賈害厥用既多何以自衛

狃徐

狃徐之獸見人佯眠與災協氣出則無年此豈能為歸之於天

狸力獸鷺鵠鳥

狸力鷺鵠或飛或伏是惟土祥出興功築長城之役同集秦域

朱孺

山海經圖讚

朱孺無奇見則邑駭通感靡誠維數所在因事而作未始無待

獬獬蠶蛭獸絜鉤鳥

獬獬如狐有翼不飛九尾虎爪號曰蠶蛭絜鉤似鳧見則民悲

夜夜

治在得賢亡由失人夜夜之來乃致狡賓歸之冥應誰見其津

螭龜

水員四十潛源溢沸靈龜爰處掉尾養氣莊生是感揮竿傲貴

嬰胡精精獸給給魚

嬰胡之狀似麋魚眼精精如牛以尾自辨給給所潛厥深無限

獨狙獸魃雀

獨狙狡獸魃雀惡鳥或狼其體或虎其爪安用甲兵擾之以道

芭木

馬維剛駿塗之芭汁不勞孫陽自然聞習厥術無方理有潛執

此魚薄魚

有魚十身麤蕪其臭食之和體氣不下溜薄之躍淵是維災候

合窳

豬身人面號曰合窳厥性貪殘物為不咀至陰之精見則水雨

當康獸鰮魚

當康如豚見則歲穰鰮魚鳥翼飛乃流光以出殊應或災或祥

蜚

蜚則災獸跂踵厲深會所經涉竭水槁林稟氣自然體此殃淫

中山經圖讚

桃林

桃林之谷實惟塞野武王克商休牛風馬阨越三塗作嶮西夏

山海經圖讚

十一

鳴石

金石同類潛響是鞞擊之雷駭厥聲遠聞苟以數通氣無不運

旋龜人魚修辟

聲如破木號曰旋龜修辟似鼃厥鳴如鴟人魚類歸出於洛伊

帝臺棋

茫茫帝臺維靈之貴爰有石棋五彩煥蔚觴禱百神以和天氣

若華焉酸草

療瘡之草厥實如瓜焉酸之葉三成黃華可以為毒不畏蜥蛇

菑草

菑草黃華實如菟絲君子是佩人服媚之帝女所化其理難思

山膏獸黃棘

山膏如豚厥性好罵黃棘是食匪子匪化雖無貞操理同不嫁

三足龜

造物維均靡偏靡頗少不為短長不為多賁能三足何異龜

嘉榮

霍維天精動心駭目曷以禦之嘉榮是服所正者神用口腸腹

天楠牛傷文獸騰魚

牛傷鎮氣天楠弭噎文獸如蜂枝尾反舌騰魚青班處於達穴

帝休

帝休之樹厥枝交對竦本少室曾陰雲鬻君子服之匪怒伊愛

秦室

嵩維岳宗華岱恒衡氣通天漢神洞幽明巍然中立眾山之英

天漢一作元漠

栢木

爰有嘉樹厥名曰栢薄言采之窈窕是服君子維歡家無反目

萑草

萑草赤莖實如萁莫食之益智忽不自覺殆齊生知功奇於學

鷓鴣鳥

鷓鴣之為鳥同羣相為畸類被侵雖死不避毛飾武士兼厲以義

鳴蛇化蛇

鳴化二蛇同類異狀拂翼俱遊騰波漂浪見則竝災或淫或亢

赤銅

昆吾之山名銅所在切玉如泥火炙有彩尸子所歎驗之彼宰

彼一作汲

神熏池

秦逢虎尾武羅人面熏池之神厥狀不見爰有美玉河林如雋

神武羅

有神武羅細腰白齒聲如鳴珮以鑱貫耳司帝密都是宜女子

鳩鳥

鳩鳥似鳧翠羽朱目既麗其形亦奇其肉婦女是食子孫繁育

荀草

荀草赤實厥狀如菅婦人服之練色易顏夏姬是豔厥媚二遷

馬腹獸飛魚

馬腹之物人面似虎飛魚如豚赤文無羽食之辟兵不畏雷鼓

神秦逢

神號秦逢好遊山陽濯足九州出入流光天氣是動孔甲迷惶

薊栢

薊栢白華厥子如丹實肥變氣食之忘寒物隨所染墨子所歎

山海經圖讚

三

橘絲

厥苞橘櫛奇者維甘朱實金鮮葉萇翠藍靈均是詠以為美談

菴

大騶之山爰有菴草青華白實食之無夭雖不增齡可以窮老

鮫魚

魚之別屬厥號曰鮫珠皮毒尾匪鱗匪毛可以錯角兼飾劍刀

鳩鳥

蝮維毒魁鳩鳥是噉拂翼鳴林草瘁木慘羽行隱戮厥罰難犯

椒

椒之灌植實繁有倫拂穎霑霜朱實芬辛服之不已洞見通神

倫一本
作榛

神蠱園計蒙涉羈

涉蠹三脚蠹圍虎爪計蒙龍首獨稟異表升降風雨茫茫渺渺

岷山

岷山之精上絡東井始出一勺終致淼冥作紀南夏天清地靜

夔牛

西南巨牛出自江岷體若垂雲肉盈千鈞雖有逸力難以揮輪

崆山

邛崆峻嶮其坂九折王陽逡巡王尊逞節殷有三仁漢稱三哲

狔狼雍和狨獸

狔狼之出兵不外擊雍和作恐狨乃流疫同惡殊災氣各有適

蝮

寓屬之才莫過於蝮雨則自懸塞鼻以尾厥形雖隨列象宗彝

熊穴

山海經圖讚

古

熊山有穴神人是出與彼石鼓象殊應一祥雖先見厥事非吉

跂踵

青耕禦疫跂踵降災物之相反各以氣來見則民咨實為病媒

蛟

匪蛇匪龍鱗彩炳煥騰躍波濤蜿蜒江漢漢武飲羽伏飛壘斷

神耕父

清冷之水在乎山頂耕父是游流光灑景黔首祀崇以弭災眚

九鐘

嶢崩涇竭麟鬪日薄九鐘將鳴凌霜乃落氣之相應觸感而作

嬰勺

支離之山有鳥似鵲白身赤眼厥尾如勺維彼有斗不可以酌

獐

有獸虎爪厥號曰獐好自跳撲鼓甲振奮若食其肉不覺風迅

帝臺漿

帝臺之水飲蠲心病靈府是滌和神養性食可逍遙濯髮浴泳

狙如

狙如微蟲厥體無害見則興師兩陣交會物之所感焉有大小

帝女桑

爰有洪桑生濱淪潭厥圍五丈枝相交參圍客是採帝女所蠶

梁渠後即聞磷獸駮烏

梁渠致兵後即起災駮駮辟火物各有能聞磷之見大風乃來

神于兒

于兒如人蛇頭有兩常遊江淵見於洞廣乍潛乍出神恍惚光

神二女

神之二女爰宅洞庭游化五江惚恍窈冥號曰夫人是維湘靈

飛蛇

脰蛇配龍因霧而躍雖欲登天雲罷陸莫材非所任難以久託

海外南經圖讚

自此山來蟲為蛇蛇號為魚

賤無定貢貴無常珍物不自物自物由人萬事皆然豈伊蛇鱗

羽民國

鳥喙長頰羽生則卵矯翼而翔龍飛不遠人維保屬何狀之反

神人二八

羽民之東有神司夜二八連臂自相羈駕晝隱宵出詭時淪化

謹頭國

謹國鳥喙行則杖羽潛於海濱維食秬稷實維嘉穀所謂濡黍

厭火國

有人獸體厥狀怪譎吐絡炎精火隨氣烈推之無奇理有不熱

三珠樹

三珠所生素水之際翹葉栢竦美壯若彗濯彩丹波自相霞映

載國

不蠶不絲不稼不穡百獸率舞羣鳥拊翼是號載民自然衣食

貫胸交脛歧舌國

鑠金洪鑪灑成萬品造物無私各任所稟歸於曲成是見兆朕

不灰國

有人爰處圓丘之上赤泉駐年神木養命稟此遐齡悠悠無竟

鑿齒國

鑿齒人類實有傑牙猛越九嬰害過長蛇堯乃命羿斃之壽華

山海經圖讚

六

三首國

雖云一氣呼吸異道觀則俱見食則皆飽物形自周造化非巧

焦僂國

羣籟舛吹氣有萬殊大人三丈焦僂尺餘混之一歸此亦僞如

長臂國

雙肱三尺體如中人彼曷為者長臂之民修脚是負捕魚海濱

狄山帝堯葬於陽帝嚳葬於陰

聖德廣被物無不懷爰乃殂落封墓表哀異類猶然矧乃華黎

視肉

聚肉有眼而無腸胃與彼馬勃頗相髣髴奇在不盡食人薄味

南方祝融

祝融火神雲駕龍驂氣御朱明正陽是含作配炎帝列位於南

海外西經圖讚

夏后啟

竦御飛龍果儻九代雲融是揮玉璜是佩對揚帝德稟天靈誨
三身國一臂國

品物流行以散混沌增不為多減不為損厥變難原請尋其本
奇肱國

妙哉工巧奇肱之人因風構思制為飛輪凌顛遂軌帝湯是賓
形天

爭神不勝為帝所戮遂厥形天臍口乳目仍揮干戚雖化不服
女祭女戚

彼姝者子誰氏二女曷為水間操魚持俎厥儷安在離羣逸處
鴛鳥鷓鳥

山海經圖讚

七

有鳥青黃號曰鷓鴣與妖會合所集會至類則梟鷓厥狀難媚
丈夫國

陰有偏化陽無產理丈夫之國王孟是始感靈所通桑石無子
女丑尸

十日竝燬女丑以斃暴於山阿揮袖自翳彼美誰子逢天之厲
巫咸

羣有十巫巫咸所統經技是搜術藝是綜採藥靈山隨時登降
并封

龍過無頭并封連載物狀相乖如驥分背數得自通尋之愈闕
女子國

簡狄有吞姜嫄有履女子之國浴於黃水乃娠乃字生男則死
軒轅國

軒轅之人承天之祐冬不襲衣夏不扇暑猶氣之和家爲彭祖
乘黃

飛黃奇駿乘之難老揣角輕騰忽若龍矯實鑿有德乃集厥阜
滅蒙烏大運山雄常樹

青質赤尾號曰滅蒙大運之山百仞三重雄常之樹應德而通
龍魚

龍魚一角似狸處陵俟時而出神聖攸乘飛鷺九域乘雲上昇
西方蓐收

蓐收金神白毛虎爪珥蛇執鉞專司無道立號西阿恭行天討
海外北經圖讚

無脊國
萬物相傳非子則根無脊因心構肉生魂所以能然尊形者存

燭龍
天缺西北龍銜火精氣爲寒暑眼作昏明身長千里可謂至神
一目國

蒼四不多此一不少於野冥瞽洞見無表形遊逆旅所貴維眇
柔利國

柔利之人曲脚反肘子求之容方此無醜所貴者神形於何有
共工臣相柳

共工之臣號曰相柳稟此奇表蛇身九首恃力桀暴終禽夏后
深目國

深目類胡但
絕縮軒轅道降款塞歸服穿胸長脚同會異族

聶耳國
聶耳之國海渚是縣雕虎斯使奇物畢見形有相須手不離面

夸父

神哉夸父難以理尋傾沙逐日遯形鄧林觸類而化應無常心

尋木

眇眇尋木生於河邊疎枝千里上干雲天垂陰四極下蓋虞淵

跂踵國

厥形雖大斯脚則企跳步雀踴蹠不闔地應德而臻款塞歸義

歐絲野

女子鮫人體近蠶蚌出珠匪甲吐絲匪蛹化出無方物豈有種

無腸國

無腸之人厥體維洞心實靈府餘則外用得一自全理無不其

平丘

兩山之間丘號曰平爰有遺玉駿馬維青視肉甘華奇果所生

山海經圖讚

十九

駟駘

駟駘野駿產自北域交頸相摩分背翹陸雖有孫陽終不能服

北方禺彊

禺彊水神面色鰲黑乘龍踐蛇凌雲附一玄冥立於北極

海外東經圖讚

君子國

東方氣仁國有君子薰華是食雕虎是使雅好禮讓禮委論理

天吳

眈眈水伯號曰谷神八頭十尾人面虎身龍據兩川威無不震

九尾狐

青丘奇獸九尾之狐有道翔見出則銜書作瑞周文以標靈符

豎亥

禹命暨亥青丘之北東盡太遠西窮邠國步履宇宙以明靈德
十日

十日竝出草木焦枯羿乃控弦仰落陽烏可謂洞感天人懸符
毛民國

牢悲海鳥西子駭麋或貴穴僕或尊常衣物我相傾孰了是非
黑齒國雨師妾立股國勞民國

湯谷之山國號黑齒雨師之妾以蛇掛耳立股食驅勞民黑趾
東方勾芒

有神人面身鳥素服銜帝之命錫齡秦穆皇天無親行善有福
海內南經圖讚

泉陽

鬍鬚怪獸被髮操竹獲人則笑唇蔽其目終亦號咷反為我戮

山海經圖讚

三

狴狴

狴狴之狀形乍如犬厥性識往為物警辨以酒招災自貽纓貫

夏后啟臣孟涂

孟涂司巴聽訟是非厥理有曲血乃見衣所請靈斷嗚呼神微

建木

爰有建木黃實紫柯皮如蛇纓葉有素羅絕蔭弱水義人則過

氏人

炎帝之苗實生氏人夙則復蘇厥身為鱗雲南是託浮游天津

巴蛇

象實巨獸有蛇吞之越出其骨三年為期厥大何如屈生是疑

海內西經圖讚

貳負臣危

漢擊磐石其中則危劉生是識羣臣莫知可謂博物山海乃奇
流黃鄂氏國

城圍三百連河北棟動是塵昏蒸氣霧重焉得遊之以遨以縱
大澤方百里

地號積羽厥方百里羣鳥雲集鼓翅雷起穆王旋軫爰策騅耳
流沙

天限內外分以流沙經帶西極頽塘委蛇注於黑水永溺餘波
木禾

崑崙之陽鴻鷺之阿爰有嘉穀號曰木禾匪植匪藝自然靈播
開明

開明天獸稟茲食精虎身人面表此桀形瞪視崑山威攝百靈
文玉玕琪樹

山海經圖讚

三

文玉玕琪方以類叢翠葉倚菱丹柯玲瓏玉光爭煥彩豔火龍
不灰樹

萬物暫見人生如寄不灰之樹壽蔽天地請藥西姥烏得如羿
甘水聖木

醴泉睿木養齡盡性增氣之和祛神之冥何必生知然後爲聖
窅窳

窅窳無罪見害貳負帝命羣巫操藥夾守遂淪溺淵變爲龍首
服常琅玕樹

服常琅玕崑山奇樹丹實珠離綠葉碧布三頭是何遞望遞顧
海內北經圖讚

吉良

金精朱鬣龍行駿時拾節鴻鷺塵不及起是謂吉黃釋聖牖里

蛇巫山鬼神蚺大羣帝臺大蜂朱蛾

蛇巫之山有人操杯鬼神蚺犬主為妖災大蜂朱蛾羣帝之臺
鬪非據比尸祿戎

騶虞

怪獸五彩尾參於身矯足千里儵忽若神是謂騶虞詩歎其仁
冰夷

稟華之精練食石八乘龍隱淪往來海若是謂水仙號曰河伯
王子夜尸

子夜之尸體分成七離不為疏合不為密苟以神御形歸於一
宵明燭光

水有佳人宵明燭光流耀河湄稟此奇祥維舜二女別處一方

山海經圖讚

三

列姑射山大蟹陵魚

姑射之山實栖神人大蟹千里亦有陵鱗曠哉溟海含怪藏珍
蓬萊山

蓬萊之山玉碧構林金臺雲館皜哉獸禽實維靈府玉主甘心
海內東經圖讚

郁州

南極之山越處東海不行而至不動而改維神所運物無常在
韓鴈始鳩雷澤神瑯瑤臺

韓鴈始鳩在海之州雷澤之神鼓腹優游瑯瑤嶺巖若雲樓
豎沙居繇端璽喚國

豎沙居繇端璽喚沙漠之鄉絕地之館或羈於秦或賓於漢
大江北江南江浙江廬淮湘漢濛濛溫潁汝涇渭白沅顛泗

鬱肆潢洛汾沁濟潦序沱漳水

川瀆交錯渙瀾流帶通潛潤下經營華外殊出同歸混之東會

一作綺

補遺

封豕

有物貪婪號曰封豕薦食無厭肆其殘毀昇乃飲羽獻帝效伎

鼯鼠

鼯之為鼠食烟棲林載飛載乳乍獸乍禽皮籍孕婦人為大任

弱水

弱出崑山鴻毛是沉北淪流沙南映火林惟水之奇莫測其深

都廣之野

都廣之野珍恠所聚爰有羔穀鸞歌鳳舞后稷託終樂哉斯土

山海經圖讚

三

猩猩

能言之獸是謂猩猩厥狀似猴號音若嚶自然知往頗測物情

若木

若生之木崑山是濱朱華電照碧葉玉津食之靈知為力為神

翡翠

翠雀麋鳥越在南海羽不供用肉不足宰懷璧其罪賈害以采

款冬

吹萬不同陽煦陰蒸款冬之生擢穎堅冰物休所安焉知渙凝

鬼草

焉得鬼草是樹是莩服之不憂樂天儀世如波滾舟任波流滯

蟒蛇

蠢蠢萬生成以類長惟蛇之君是謂巨蟒小則數尋大或百丈

枳首蛇

夔稱一足蛇則二首少不知無多不覺有雖資天然無異駢拇

鱓魚

鱓之為狀半鳥半鱗形如雞鯉食之已疢

飛魚

飛魚如豚赤文無羽服之不雷可以禦兵

焦堯

焦堯極麼靖人唯小四體具足鬚眉才了

釋天地圖讚

祭地肆瘞郊天致煙氣升太一精淪九泉至敬不文明德惟鮮

星圖

茫茫地理粲爛天文四靈垂象萬類羣分眇觀六沴咎徵惟君

山海經圖讚

香

炎山

木含陽氣精構則燃焚之無盡是生火山理見乎微其妙在傳

筆

上古結繩易以書契經緯天地錯縱羣統日用不知功益萬世

龜

天生神物十朋之龜或游於火或游於著雖云類殊象一一歸

疊疊致用極數盡幾

蚌

萬物變蛻其理無方雀雉之化合珠懷璫與月盈虧協氣晦望

蟬

蟲之精絜可貴惟蟬潛蛻棄穢飲露恒鮮萬物皆化人胡不然

螢火

熠熠宵行蟲之微么出自腐草烟若散漂物之相照孰知其陶
芣苢

車前之草別名芣苢王會之云其實如李名之相亂在乎疑似

杜若

蘼蕪善草亂之蛇牀不隕其實自別以芳佞人似智巧言如簧

芙蓉

芙蓉麗草一曰澤芝泛葉雲布映波赧熙伯陽是食饗比靈期

麻

草皮之良莫貴於麻用無不給服無不加至物在邇求之好遐

珪

玉作五瑞辯章有國君子鳴佩亦以表德永觀厥祭時惟文則

尺蠖

山海經圖讚

五

貴有可賤賤有可珍嗟茲尺蠖體此屈伸論配龍蛇見歎聖人

菊

菊名白精布華玄月仙容薄采何憂華髮

萍

萍之在水猶卉植地靡見其布漠爾鱗被物無常託孰知所寄

卷施

卷施之草拔心不次屈平嘉之諷詠以比取類雖爾興有遠旨

螳螂

螳螂飛蟲揮斧奮臂當轍不迴可踐可避勇士致斃厲之以義

麟

麟惟靈獸與麇同體智在隱蹤仁表不抵孰爲來哉宣尼揮涕

比肩獸

歷與距虛乍兔乍鼠長短相濟彼我俱舉有若自然同心共膺

鼎

九牧貢金鼎出夏后和味養賢以無化有赫赫三事鑒於覆餗

金銀

惟金三品揚越作貢五材之珍是謂國用務經軍農爰及雕弄

柚

厥苞橘柚精者曰甘實染繁霜葉鮮翠藍屈生嘉歎以為美談

梧桐

桐實嘉木鳳凰所棲爰伐琴瑟八音克諧歌以永言嚶嚶喈喈

燕

燕燕于飛瑞娥以卵立玉爰發聖敬日遠商人是頌詠之弦管

馬

馬出明精祖自天駟十閑六種各有名類三才五御駑駿異轡

貔

書稱猛士如虎如貔貔蓋豹屬亦曰執夷白狐之云自是而非

鼯鼠

有鼠豹彩厥號為鼯漢朝莫知郎中能名賞以束帛雅業遂盛

鼯鼠

小鼠曰鼯實有螫毒乃食郊牛不恭是告厥譴惟明徵乎其覺

鼯鼠

五能之鼠技無所執應氣而化翻飛駕集詩人歌之無食我粒